

Terma dan Syarat – Anugerah MyPesara 2024

Pengenalan

Terma dan syarat berikut mengawal dan mentadbir penyertaan Anugerah MyPesara ini. Pihak penganjur mempunyai hak untuk mengubah, menangguh atau menukar tarikh Anugerah atau melanjutkan tempoh penyertaan / pencalonan.

Sila baca terma dan syarat ini dengan teliti sebelum menghantar borang pencalonan.

No.	Perkara
1.	Maklumat Anugerah MyPesara 1.1 Anugerah MyPesara ("Anugerah") adalah sebuah penganugerahan peringkat perdana yang disediakan khas bagi mengiktiraf dan menghargai pesara perkhidmatan awam yang telah memberi impak positif dalam bidang Pendidikan, Sosial dan Khidmat Masyarakat, dan Keusahawanan. 1.2 Tujuan Anugerah ini diadakan adalah untuk mengenal pasti individu cemerlang yang telah memainkan peranan yang bermakna dalam persaraan mereka dan untuk menjadi sumber inspirasi dan ilham kepada warga pesara akan kepentingan untuk kekal aktif dan positif walaupun sudah bersara.
2.	Kategori Anugerah MyPesara 2.1 Terdapat 3 kategori yang akan dinilai, iaitu: i) Pendidikan ii) Sosial dan Khidmat Masyarakat iii) Keusahawanan 2.2 Sumbangan dan impak positif yang diberikan oleh calon kepada masyarakat haruslah menepati kategori yang dinyatakan. 2.3 Penganjur berhak memilih dan menganugerahkan calon untuk kategori lain selain daripada kategori yang dihantar, jika ia dianggap lebih sesuai mengikut pertimbangan penganjur.
3.	Kriteria Pencalonan 3.1 Pencalonan adalah terbuka kepada: • Warganegara Malaysia berumur 55 tahun dan ke atas. • Telah bersara daripada perkhidmatan awam persekutuan, negeri, badan berkanun dan pihak berkuasa tempatan, tidak termasuk pesara Angkatan Tentera Malaysia (Veteran ATM). Pesara hendaklah yang sedang menerima pensen bulanan daripada Kerajaan. • Seorang individu yang aktif menyumbang kepada masyarakat dan telah membuat perubahan yang mendalam sambil menunjukkan amalan yang berjaya dalam bidang masing-masing selepas bersara, untuk tempoh minimum selama 5 tahun.

	• Calon masih belum menerima sebarang anugerah di peringkat kebangsaan atau antarabangsa atas sumbangannya. • Pencalonan sendiri dan pencalonan oleh pihak ketiga adalah diterima. • Semua pencalonan perlu disokong oleh dokumen yang berkaitan sebagai bukti.
4. Penyertaan Pencalonan	4.1 Penyertaan adalah percuma dan terbuka kepada pesara Kerajaan Malaysia yang dinyatakan sahaja. 4.2 Pencalon dan calon bertanggungjawab untuk memberi maklumat yang benar, tepat, semasa dan lengkap seperti yang diminta dalam borang pencalonan. 4.3 Dokumen sokongan dalam bentuk artikel yang diterbitkan, siaran akhbar, salinan sijil penglibatan/ keahlian/ pencapaian perlu dilampirkan untuk tujuan pengesahan dan semakan. 4.4 Bagi kategori Keusahawanan, syarikat calon hendaklah berdaftar dengan Suruhanjaya Syarikat Malaysia (SSM) dan dokumen berkenaan kewangan perlu dikemukakan. 4.5 Bagi kategori Sosial dan Khidmat Masyarakat, organisasi calon hendaklah berdaftar dengan Jabatan Pendaftaran Pertubuhan Malaysia (JPPM) dan dokumen berkenaan perlu dikemukakan. 4.6 Pencalon boleh mencalonkan seberapa ramai pesara yang dikehendaki bersama bukti-bukti pencapaian yang mencukupi. Namun, setiap pesara hanya layak untuk dicalonkan untuk satu kategori sahaja. 4.7 Dengan penghantaran borang pencalonan, pencalon dan calon akan dianggap sebagai telah membaca, memahami, menerima dan bersetuju dengan terma dan syarat Anugerah. 4.8 Penganjur berhak untuk menolak atau tidak menerima pencalonan untuk sebarang sebab, termasuk borang pencalonan yang tidak lengkap atau mana-mana terma dan syarat yang tidak dipenuhi atau dipatuhi oleh pencalon dan calon.
5. Penghantaran Borang Pencalonan	5.1 Borang pencalonan serta dokumen sokongan yang lengkap hendaklah dihantar melalui: i) e-mel ke anugerahmypesara@kwap.gov.my; atau ii) pos ke Pejabat KWAP di Kuala Lumpur atau Cyberjaya; atau iii) secara peribadi ke Pejabat KWAP di Kuala Lumpur atau Cyberjaya, atau semasa program Jelajah MyPesara KWAP berlangsung. Pejabat Kuala Lumpur Jawatankuasa Anugerah MyPesara 2024, Kumpulan Wang Persaraan (Diperbadankan), Aras 36, Menara Integra, The Intermark 348, Jalan Tun Razak 50400 Kuala Lumpur

	Atau; Pejabat Cyberjaya Jawatankuasa Anugerah MyPesara 2024, Kumpulan Wang Persaraan (Diperbadankan), Aras 11, Skytech Tower 2 MKN Embassy Techzone Jalan Teknokrat 2, Cyber 4 63000 Cyberjaya, Selangor *Sila rujuk laman media sosial KWAP untuk mengetahui lokasi semasa Program Jelajah MyPesara 5.2 Jika borang pencalonan dihantar melalui e-mel, pastikan anda meletakkan tajuk 'Anugerah MyPesara' pada bahagian Perkara. 5.3 Jika borang pencalonan dihantar secara pos, pastikan anda meletakkan tajuk 'Anugerah MyPesara' pada bahagian atas kiri sampul surat. 5.4 Borang yang lengkap harus dihantar kepada KWAP pada atau sebelum 17 September 2024.
6. Pemenang	6.1 Pemenang akan dimaklumkan untuk hadir ke majlis rasmi Anugerah MyPesara 2024 yang dijadualkan berlangsung pada 11 Disember 2024. 6.2 Terdapat satu (1) pemenang hadiah utama yang akan menerima wang tunai RM50,000, piala dan sijil penghargaan; tiga (3) pemenang bagi setiap kategori yang akan menerima wang tunai RM10,000, piala dan sijil penghargaan setiap seorang; dan lima (5) penerima saguhati yang akan menerima wang tunai RM3,000 dan sijil penghargaan bagi setiap kategori. 6.3 Jika pemenang tidak dapat menghadiri majlis rasmi Anugerah MyPesara 2024, pemenang boleh diwakili oleh waris sah mereka untuk menerima hadiah. 6.4 Keputusan juri adalah muktamad melainkan didapati pemenang telah melanggar terma dan syarat.
7. Pembatalan	7.1 Penganjur berhak untuk membatalkan penyertaan calon dan / atau mengambil balik hadiah jika: • Calon tidak memenuhi mana-mana kriteria pencalonan; • Calon melanggar terma dan syarat Anugerah ini atau mana-mana undang-undang atau peraturan yang berkaitan; • Penganjur mendapati ada unsur-unsur penipuan dan rasuah ke atas penyertaan.

	7.2 Jika berlaku pembatalan selepas hadiah telah diberikan, penganjur berhak untuk menuntut pengembalian hadiah tersebut atau bayaran sama nilai dengan hadiah itu daripada calon yang telah hilang kelayakan atau dibatalkan penyertaan.
8. Lain-lain	8.1 Dengan menyertai Anugerah ini, pencalon dan calon tidak boleh meletakkan syarat dan tidak boleh membatalkan persetujuan untuk menjadi sebahagian daripada penerbitan, rakaman dan publisiti Anugerah ini pada bila-bila masa, tanpa bayaran, jika diperlukan oleh penganjur, seperti untuk tujuan: • Temu bual • Pengambilan gambar • Rakaman visual dan / atau audio 8.2 Pencalon dan calon tidak boleh membatalkan persetujuan dan memberi kebenaran bahawa penganjur untuk mempunyai hak dan kuasa mutlak untuk menyiarkan rakaman, nama penuh atau tidak, dan / atau slogan calon. 8.3 Semua hadiah tidak boleh dipindahmilik, diserahkan, ditukar atau dituntut oleh pemenang dalam sebarang bentuk atau cara selain daripada yang ditetapkan oleh penganjur.